

LATIHAN KOMSAS 13(a)

Baca petikan cerpen di bawah dengan teliti, kemudian jawab soalan-soalan berikutnya dengan menggunakan perkataan sendiri.

Secara rasminya, Talia pertama kali bertembung dengan Raksasa Qadqad pada hari dia menaiki kereta api ke bandar. Pertemuan kedua termaktub beberapa hari kemudian. Hakikatnya, kisah Talia diketahui sebegitu lantaran disaksikan banyak mata.

Secara tidak rasmi dan sejujurnya, perihal Talia dan Raksasa Qadqad bermula beberapa bulan sebelum itu lagi. Talia sedang bermain sendirian di sempadan huma, berdekatan dengan hutan di lereng Bukit Ungu apabila dia terdengar regekan ganjil.

"Qadqad ... qraakkk ..."

Talia tersentak lantas berpaling ke arah hutan. Didapati dari arah datangnya suara itu, seekor haiwan sebesar kepala budak terbaring di pinggir tunggul. Rupanya mirip katak, namun tidak serupa. Jika dibandingkan saiznya dengan katak biasa, dapatlah dikatakan makhluk itu sebagai katak raksasa. Sepasang tanduk kecil tumbuh di kepalanya.

"Qadqad ... qraakkk! Qraakkk!"

Makhluk itu mengerang, mempamerkan taring. Cecair hijau likat meleleh dari lekuk tajam di bahagian sisi kepalanya, persis luka akibat dilibas gergaji.

Spontan Talia berlari mencari pucuk daun dalut. Selesai mengunyah lumat dan menampalnya di kepala haiwan itu, dia berteleku, mahu memastikan darah pada luka itu membeku. Dalam seketika, makhluk itu membuka mata kuning beriris hijau. Dengan dua kali lompatan tinggi, ia pun hilang di balik hutan.

"Katak bertaring dan bertanduk?" Misa, ibu Talia menyoal apabila peristiwa itu disampaikan kepadanya.

Ayahnya, Dodo, menerima kisah itu sebagai khayalan Talia sahaja.

Namun, tanggapan mereka berubah beberapa minggu selepas itu. Kisah ahli-ahli suku berselisih dengan sekeluarga dengan sekeluarga makhluk seperti yang diceritakan Talia di denai yang sama heboh diperkatakan.

"Gempal macam disumbat air," kata salah seorang daripada mereka.

"Besar macam mana?" tanya Tuk Sibat, ketua suku mereka.

"Dua kali kepala kita!"

Maka tahulah Talia, haiwan yang dirawatnya itu masih anak lagi.

(dipetik daripada "Talia dan Raksasa,
Antologi Baik Budi Indah Bahasa, Dewan Bahasa dan Pustaka)

- 1 Apakah kenderaan yang dinaiki oleh Raksasa Qadqad ke bandar?
A kereta api
B lori besar
C bas sekolah
D kenderaan persendirian
- 2 Di manakah tempat tinggal dan tempat Raksasa Qadqad bermain?
A Pantai Tanjung Aru
B Tanah Tinggi Cameron
C Bukit Ungu
D Kampung Melayu Subang
- 3 Apakah yang keluar dari lekuk tajam di sisi kepala Raksasa Qadqad?
A cecair ungu
B cecair hijau
C cecair merah
D cecair biru
- 4 Amalan perubatan tradisional yang dipraktikkan oleh Talia ada kaitannya dengan peribahasa _____.
A di mana ada kemahuan, di situ ada jalan
B masuk kandang kambing mengembek, masuk kandang kerbau menguak
C di mana bumi dipijak, di situ langit dijunjung
D tak lekang dek panas, tak basah dek hujan
- 5 Sikap Talia yang memberikan rawatan kepada raksasa yang djumpainya ada kaitan dengan perwatakan
A seorang yang berjimat cermat
B seorang yang berbudi bahasa
C seorang yang baik hati
D seorang yang taat kepada raja